



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 4. Parisiensis Parlamenti edictum a Ludovico XV. Galliarum Rege, ejusque Senatu annullatum.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

Sæc. XVIII.
A. C. 1738.

§. IV.

Parisiensis Parlamenti edictum a Regis Senatu annullatum.

Non sine maximo animi mærore Franciæ Præsules nuperum Parisini Parlamenti decretum percipiebant, dolentes, quod illud eo jam temeritatis devenerit, ut spreto iterato Regis interdicto sibi eandem, imo majorem in res Ecclesiasticas potestatem, quam ipsimet Episcopi, arrogaret, auctoritatemque, quam summo Pontifici denegaret, sibi soli vindicare præsumeret. Eapropter consultatione inter se habita Præsules ac præcipue Fleuryus Cardinalis Ludovicum XV. Franciæ Regem supplices adibant, ut Parlamenti arrogantiam cohiberet, & ipsius Religionis, cujus fundamenta subruere illud moliretur, ruinam præverteret: Eodem consilio Lazaristæ seu præfatæ Congregationis Superiores libellum supplicem Regi offerebant, efflagitantes, ut probrosum hoc Parlamenti decretum supprimeretur, eo quod agatur de Bulla, quam ipsamet sua Majestas expediri petiisset, & per quam cujusdam sancti fidelium veneratione dignissimi (prout in ipso Parlamenti decreto declaretur) memoria consecratur, ejusque virtutes manifestantur. Re igitur
matu-

Sæc. XVIII. maturius perpenſa Rex ſanctioris ſui
 A. C. 1738. Senatus decreto die vigesima ſecunda
 Januarii Parlamenti edictum die quarta
 ejusdem Menſis promulgatum ſuppreſ-
 ſit, annullavit, & acſi nunquam edi-
 tum fuiſſet, haberi præcepit, quoad
 ea, quibus Parlamentum, hanc Bul-
 lam typis edi, vendi ac diſtrahi inhi-
 „buit, quin tamen dicta editio ac ven-
 „ditio ac expreſſiones in hac Bulla
 „contentæ directe vel indirecte in præ-
 „judicium Regionum jurium, liberta-
 „tumque Eccleſiæ Gallicanæ, quas Rex
 „ſemper ſalvas conſervari vult, trahi
 „poſſint. „

§. V.

*Ulteriores conatus Parlamenti contra
 Regis edictum.*

Postrema Januarii die famoſus Abbas
 Pucella in publicis Parlamenti co-
 mitiis querebatur, quod ipſius decre-
 tum die quarta Januarii promul-
 gatum nullibi in uſum deduceretur,
 ſed paſſim hæc Bulla libere imprime-
 retur, palamque divenderetur, in hu-
 jus igitur rei cauſſam a Triumviris in-
 veſtigandum eſſe: Hi ergo deſuper in-
 terrogati ignorantiam ſimulabant, ſe
 tamen, quid decreti executionem præ-
 pediat, ſedulo exploraturos ſponde-
 bant: